

# KISAH MUNSIF BIN MUHTADĪ

(oleh Ḥāji Iskandar Idrīs)

Kata Munsif dengan agak menentang: “Muhammad! Sukakah Engkau aku menjadi pengikutmu? Kalau engkau suka, aku pun dengan senang akan menjadi pengikutmu yang setia, asal kesenanganmu jangan diusik”.

“Siapa sebenarnya engkau ini? dan apa gerangan kesenanganmu- yang tidak boleh diusik orang itu? “ Tanya Rasulullah (SAW) kepada Munsif.

“Aku buaya darat yang terkenal. Akulah penjajah yang ditakuti orang. Samun dan rompakkan pekerjaanku. Judi dan minum kesenanganku. Walhal: aku seorang jahat yang sukar dicari bandingannya.

“Sekarang aku ingin juga menyambut seruanmu dan memasuki agama Islam, tetapi segala pekerjaan dan kesenanganku itu, janganlah engkau larang, jangan engkau usik!”.

“Oh, kawan! Jadi engkau ini ingin memasuki agama Islam. Tetapi pekerjaan dan kesenanganmu jangan aku ganggu?”

“Benar demikian ya Muhammad”.

“Baiklah, tetapi...bolehkah aku minta satu janji sahaja daripada mu?”

“Satu janji sahaja? Aku tidak keberatan. Satu janji tentang apakah itu?”

“Aku terima engkau menjadi pengikutku dengan satu perjanjian bahawa engkau tidak akan berdusta”

“Ah itu mudah sahaja. Aku tidak boleh berdusta,

sedang yang lain-lain ku kerjakan sesuka hati? Baiklah aku terima syarat atau perjanjian ini. mulai hari ini aku masuk agama Islam.”

Munsif (Munsif) pulang dengan riang, kerana dirasanya sangat mudah masuk menjadi umat Muhammad itu. Apa sukarnya hanya meninggalkan dusta sahaja, sedang lain-lain pekerjaannya tidak diusik-usik.

Sampainya di rumah ia pun merebahkan diri dengan penuh kepuasan hati. Fikirannya: “Tidak ku sangka semudah itu orang memasuki Islam. Adakah Muhammad terpedaya oleh aku? Dia tidak melarang aku daripada merompak, judi pun tiada ia larang. Hanya: “dusta” sahaja yang tidak boleh ku lakukan. Ah itu ringan sahaja. Buat apa aku mesti selalu berdusta?”.

Dengan diayun-ayunkan oleh angin-angin yang bermacam-macam ia pun terus tertidur dan berdengkur.

## Hati berdebar

Matahari baharu sahaja masuk beradu dan ufuk (ufuk) di sebelah barat kemerah-merahan bermandikan cahaya lambayung. Raja malam hampir purnama, bintang-bintang pun bertaburan di angkasa. Udara kebetulan cerah, terang cuaca.

Sambil menyedut udara yang sejuk dan memandang langit yang dihiasi bintang, Munsif menuju jalan besar, tempat kawan-kawan bersuka ria di kedai “kahwa”- ia mengharap akan dapat bersama-sama minum arak dengan mereka.

Tempat yang ditujunya telah dekat, tetapi kaki sekarang terasa berhampir tak dapat diangkat melangkah. Ia terpegun dan hati pun berdebar.

“Kenapa kaki ku begini dan kenapa hatiku berdebar-debar Oh, ya aku berjanji tidak akan berdusta, bukan? Apa jawabku nanti kalau aku berjumpa dengan Muhammad kalau malam ini aku turut minum arak dengan mereka? Berterus terangkah? Ah malu aku? Aku berdusta? Tentu tidak boleh, sebab aku telah berjanji tidak akan berdusta.”

Munsif berdiri terpaku, sedang hatinya menjadi ributan di antara penduduk minum dan pengajak berpegang kepada janji. Akhirnya yang kedualah yang menang dan ia pun segera pulang, sambil memujuk dirinya sendiri.

“Biarlah sekali ini aku pulang sahaja. Besok malam pun masih terang bulan juga, bukan? Aku boleh minum suka hati.”

Ketika dinihari dan fajar pun hampir menyingsing, pintu rumahnya diketuk orang. Seorang sahabat karibnya dengan tercunggap-cunggap mengajaknya berangkat dengan seberapa segeranya: mari kita kejar sekarang juga. Mereka belum lagi jauh. Mereka akan dapat kita songsong dekat lembah itu. Barang-barangnya mahal-mahal belaka dengan pengawal yang lemah sekali.”

Munsif segera bersiap, khanjar dan pedang disandangkannya seperti biasa ketika hendak ke pergi merompak dalam masa rombongan yang akan menjadi mangsanya sudah kelihatan. Ia terpegun dan kawannya mengherdikanya:

“Kenapa? Tidak berani? Mana keberanianmu yang selama ini aku berbangga melihatnya?”

Ia tidak menjawab. Kepalanya tunduk, sedang matanya memandang tanah, tetapi hatinya terus menimbus gelap dan tempat yang dihadapinya. Tergampar jelas di kelopak matanya, ketika ia menjabat tangan dengan Rasulullah (SAW) dan berjanji tidak akan berdusta.

Hatinya berbisik dan bertanya: “Apa jawabmu nanti

bila bertemu dengan Muhammad? Akan berdusta engkau bila engkau mengatakan tidak membunuh dan merompak harta mereka?”

Pandangan Munsif menjadi kabur, sedang hati yang murni dengan hati was-was tengah bertengkar dan bertempur, menggoncangkan jasad dan pertempuran lekas berkesudahan. Dengan suara yang tetap Munsif berkata kepada kawannya: “Kawan! Badanku terasa kurang sihat. Aku tak sanggup mengambil bahagian pada kali ini, maaflah, sekarang marilah kita pulang sahaja. Korban dan mangsa kita pada masa yang akan datang akan kurang.”

### Tiga tahun kemudian

Tiga tahun telah lalu, keadaan Munsif bin Muhtadī nampaknya jelas perubahannya. Ia acap kali kelihatan beribadah dan berkumpul dengan sahabat-sahabat Nabi. Budi bahasa dan peri lakunya pun halus, tiada kasar seperti dahulu orang-orang makin hormat memandang dia. Dahulu ia ditakuti tetapi sekarang ia dihormati. Ia pun nampak senang dan puas dengan cara kehidupannya yang sekarang. Rezekinya bertambah dengan berkat Tuhan dan berkat jalan halal yang ditempuhnya.

Pada suatu malam lepas sembahyang Isyak. Anak-anak dan keluarganya disuruhnya berkumpul dekat tempat ia berbaring, lalu berkata dengan perlahan-lahan: Anakku, sakitku yang ku derita sekarang ini, tiada terasa berat. Akan tetapi aku berasa seakan-akan ajalku telah hampir. Semua orang tahu bahawa aku dahulu seorang jahat, tetapi berkat petunjuk dan ajaran Nabi Muhammad (SAW) aku berubah dengan cepat daripada jahat menjadi ahli ibadah. Rezekiku dahulu daripada membunuh dan merompak, tetapi sekarang dari hasil kerajinan dan perniagaan.

“Besar benar syukurku kepada Tuhan dan besar benar terima kasihku kepada baginda Rasulullah (SAW) yang dengan lemah lembut

-sambungan pada muka 38

jahat namun perkara yang terkenal di dalam hati-hati mereka

lebih-lebih lagi seperti yang difirmankan oleh Allah

(maksudnya):

“Hai orang-orang yang beriman janganlah kamu pandang sahabat karib (*baṭānah*) lain daripada golongan kamu.

Mereka itu tidak berhenti-henti berikhtiar menarik kecelakaan

atas kamu, mereka suka apa yang menyusahkan kamu

sesungguhnya kebencian telah terbit dari mulut-mulut mereka,

tetapi apa yang tersembunyi dalam hati mereka itu ada lebih

besar. Kami telah terangkan tanda-tanda kepada kamu, jika kamu

(mau berfikir)- Q. al-Nisā’; 144.

Firman-Nya lagi (maksudnya): Hai orang-orang yang beriman!

janganlah kamu jadikan orang kafir itu sebagai ketua

(pemimpin) pada hal mereka bukan kaum mukminin. Apakah

kamu mau mengadakan satu alasan yang nyata bagi Allah untuk

(menghukum) kamu? (Q. Āli ‘Imrān 119).

Banyak lagi ayat al-Quran yang mengingatkan kita tentang

menjadikan pemimpin dan siapa kawan atau lawan kita,

semuanya itu datangnya daripada Allah- bukan daripada fikiran

kita dan kerana itu jika seseorang beriman kepada Allah

maka hendaklah ia taat dan percaya kepada pemimpin yang taat kepada

hukum Allah dan Rasul-Nya, yang menjauhi pekerjaan

mungkar dan mengerjakan sembahyang- bukannya orang-orang yang

“āṣī dan penzina. Peminum arak dan penjudi dan

penggalak kepada pekerjaan-pekerjaan maksiat.

Jika hendak lebih jelas dan terang dalam perkara ini

molek saudara mentelaah buku karangan Kiyai Muhammad

Isa Anshari yang bertajuk “ Umat Islam menghadapi

-sambungan pada muka kulit

-sambungan dari muka 26

dan bijaksana telah menyelamatkan aku dari jalan yang sesat.

Pada mulanya aku hanya diminta jangan berdusta. Aku kabulkan

permintaan itu dan kerana aku tiada akan dusta lagi,

tiba-tiba timbul perasaan enggan akan berbuat sesuatu yang

buruk, satu perasaan yang segera mempengaruhi jiwa.

*Alḥamdulillāh* akhirnya aku tinggalkan segala kebiasaanku yang

buruk. Ini sudah tentu kerana kebijaksanaan dan jasa

Rasululullah (SAW) juga, bukan?”

“Benar” sahut mereka. “Dan kami pun berasa

sangat berbahagia dengan keadaan sekarang ini, kejadian ini

akan kami tulis untuk menjadi cerminan dan

kenang-kenangan.”

Munsaf bin Muhtadi memandang arah ke atas, kedua tangannya

berikat takbir di atas dada.

Sayup-sayup terdengar ucapannya: Ya Allah, Tuhan yang

Maha Pemurah dan Pengasih, hamba sangat bersyukur dan

berterima kasih. Terimalah taubat hamba, yang menjadi

pengikut Muhammad. Sungguh mulia budi pekertinya bijaksana

dalam segala tindakannya. Hamba berasa berhutang budi kepada

Nabi Muhammad (SAW) yang bijak itu. mudah-mudahan subur dan

berbuahlah segala tanaman dan pelajaran Muhammad itu amin!”

Sekalian yang hadir diam terpegun dan hanya bibir

mereka sahaya yang turut bergerak membaca “amin” tetapi

suara Munsaf tiada terdengar lagi. Ia telah pulang

ke rahmatullah dengan tenang. *Innalillahi wa inna ilaihi raji’un.*

-dari “Abadi” Jakarta.